

Rursus quædam in officinis parata habentur, quædam pro voluntate Medici conficiuntur: siquidem quædam parata habere oportet, vt sunt ea, quæ vetustate vires non amittunt, vt sunt calida, quale est stomachicū, vel quæ certo anni tēpore tantum confici possunt, vt est Oesypi. Vel quæ difficilias parantur, & per otium confici debent: alia enim parata seruanda non sunt, vel parua solum quantitate, cuiusmodi est ceratum album vel infrigidās Galeni. Vel si paratum sit, quādo in vsum reuocabitur, aqua frigida lauandum, vt magis refrigeret.

f. cereta varia habet
Myrrep. sect.
30.

In officinis f. v̄sitatissima sunt, ceratum stomachicum, quod ventriculi intemperiem frigidam corrigit, inflationem discutit, cōcoctionem adiuuat. Ceratum santalinum proprie ad hepatis intemperiem calidiorē: ceratum album vel infrigidans Galeni ad partes quascunque nimium incalēfactas, capite quidem ipsa tempora, in febribus ardentibus, & hepar, & spinam dorsi inungēdo. Quod tamen magis refrigerabit, si quid camphoræ addatur: vel si lauetur aqua aliqua refrigerante, vt endiu. cichor. Sic etiam vbi præter refrigerationem adstrictione opus est, eius v̄sus esse potest, si misceatur aliquod resoluens, valebit ad partes contusas, ad contumaces dolores. Ceratum matricale, etiam habetur, & creatum ad rupturam Guidonis, cuiusmodi etiam est ceratum de pelle arietina Vigonis.

Quod si vero recentia præscribere lubeat, eadem erit materia, vt in febribus ardentibus & affectibus capitis calidioribus:

℞. vii.